



3719

Isaacus Mauritius,  
In Nuptiis  
J. Henrici Guldenskiöld  
& Marthe Almq.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3719 4° (LN 660 copy 2)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3719 4° (LN 660 copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3719 4° (LN 660 copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3719 4° (LN 660 copy 2)

DA BOX

= LN 660

ex. 2





CARMEN  
IN NVPTIIS CLARISSIMI VIRI: GENERIS NOBILITATE,  
*Virtute & prudentia præstantissimj: proammiraldi in Regno Daniæ dignissimj: D. Henrici Guldenstiern de Aagard: & eius sponsæ dilectissimæ: Virginis nobilitatis splendore clarissimæ: Virtutis laude ornatissimæ: & Virginitatis omnibus ornamentis laudatissimæ: Martiæ Rhud: D. Othonis Rhud & D. Petronellæ Oxe de Mugelkier Filiæ secundæ: celebratis Hafniæ XXVII. die Iunij: Anno 1574.*

*Honoris & obseruantia gratia*

*Scriptum  
Ab Isaaco Mauritio.*



HAFNIÆ,  
*Impressit Laurentius Benedictj.*  
1 5 7 4.



IN NAPTIS GLARISSE

Alfonsus







*Alle suum Martem cantet, cui Martia mens est :  
Et quem delectat vehemens discordia : siue  
Hostili quæ sunt hastilia tincta cruore :  
Purpureiq; enses, hominumq; cadauera : multos  
Quæ campos onerant & maxima flumina complent.  
At capitur multò maior, mihi crede, voluptas :  
Cum canimus Veneres castosq; sonamus amores.  
Nam thalamos læti sacros intramus, eburnis  
Exstructos trabibus, fuluiq; colore metalli  
Insignes : ubi dispositas longo ordine mensas  
Et vina & lautas epulas onerare videmus.  
Hic hylares voces & verba iocosa, salesq;  
Conditos audire licet, faciesq; tueri :  
Non vnctas manib fallaci smegmate plenis :  
Aut cerussato citius fugiente colore :  
Verum naturæ melioris dotib auctas.  
Quod facit impuras ad has reuoluta luto sus :  
Non hinc Circaeis grunit gens ebria succis :  
Sed blanda blandas affantur voce puellas  
Perblandi iuuenes : hoc pacto causa futuri  
Connubij datur : & sponso sua sponsa volenti  
Assidet : amplexus post dulces, dulcia dantur  
Oscula : pulsantur cytharæ, tanguntur eburna  
Plectra : fides resonant, clangit tuba rauca, choreæ  
Ducuntur faciles, terra pedib bene trita.  
Hic præit & sequitur, sacra comitante caterua,*



Doctus & illorum ludorum instructor Apollo.  
Non Hymenæus abest longè, sed proximus astat  
Et sponso & sponsæ, pascens oculos, & eorum  
Lætitia lätus; feliciter id iubet esse  
Cæptum, felices successus optat habere:  
Sic magis atq; magis crescentem nutrit amorem.

Felicem nimium sponsum, cui sponsa venusto  
Flore pudicitiae decorata, ornataq; cunctis  
Dotib; egregiae formæ, sortisq; benignæ  
Assidet & dulci circumdat brachia collo.

Felices multum thalamos, ubi carmina sacrae  
Carminib; miscent musæ: & qui praesidet ipsis  
Delius aurata pollens testudine phæbus  
Non negat assuetum cantandi munus obire:  
Si non hos Eriycina fugit, si fautor & autor  
Ipse Hymenæus adest: quid n. felicius esset  
Quàm superos faciles, & secum semper habere?

Nulla geri rectè poterit res absq; deorum  
Auxiliis: at, sic faciente deo, deus alter  
Vel parilis fieri mortalis posse videtur.  
Quò plus accipitur diuinitus, hoc magis ipsis  
Conformes superis nos reddimur: atq; deorum  
Munerib; solum felices possumus esse.  
Nec se difficiles praebent dij saepe vocati:  
Interpellati veniunt, & amantib; adsunt.  
Nec possunt alia melius ratione probare:

Esse



*Esse sibi curæ socialis fœdus amoris.*

*Hinc video quid amor sit, amo iam & semper amabo:  
Non amor est cupida brevis oblectatio mentis:  
Qualem sæpe suo parit inconstantia motu:  
Nec violentorum violentia plena laborum:  
Quam facit effrenis naturæ fœda libido:  
Sed quædam à superis humanis indita vis est  
Pectorib: nectens firmis hominesq; deosq;  
Vinclis, & socians socialifœdere multos  
Inter mortales: vt sit custodia quædam  
Illarum rerum, triplici quas ordine nectit  
Hamorum, rutuli grauis auri pondere, cœlij  
Vertice dependens ad terras vsq; cathena.*

*At non hos solum qui morte aliquando domantur  
Sed superos etiam iam dictus corripit ignis.  
Nam, si nullus amor mouisset corda deorum:  
Non sua Iuno Ioui præ multis chara fuisset:  
Nec blandus blandas peramasset Apollo camænas:  
Non aliunde sed à superis homo discit amare.*

*Si non esset idem iucundi fœdus amoris:  
Nulla foret nostri generis progressio: nulla  
Nominis aut famæ celebratio: nulla parentum  
Filiolos inter pia mentio. Vis violenta  
Morborum, furiosus Mars, rabiosaq; Parca:  
Auferrent celeres cunctarum semina rerum;  
Et valde subitis turbarent cladib ipsos*



Cum populo reges. Quid n. furiosius istis  
Iam furit in terris? quid iam non inficit, antè  
Non audita lues, corruptrix pessima vitæ?  
Quanta est nunc hominum mactatio? mille videmus  
Carnifices alios unum genuisse Cainum.  
Heu quot, & egregios paucis, nos vidimus horis:  
Vnà cum socijs & chara prole maritos:  
Munerib' vitæ spoliatos turpiter huius:  
Cum data sæpe fides non est seruata fidelè:  
Sed quantum libuit cuius est facta potestas  
Quosq; trucidandj: populosa Latetia magno  
Quàm fuit in luctu & repleta cruore virorum  
Interfectorum crudeliter, atq; piorum  
Plena cadauerib': quæ postea Sequana quanq̃  
Accepit fluitans remouenda, tegendaq;: nullo  
Ipsa tamen pacto scelus & facinus teget atrox.  
Sed quid Gallorum memoro clademq; necemq;?  
In mare vicino furit insatiabilis orbe  
Mars, qui quotidie magnum facit & graue damnum:  
Quod sine connubio non credo posse rependj.  
Multa etiam nostræ tenduntur retia vitæ:  
Quæ studio socij vitantur sæpe fidelis.  
Mutata vxores Minyarum veste, maritos  
Eduxere suos obscuro carcere clausos,  
Pro socio charo, charam profundere vitam  
Alcestis voluit: tanto flagrabat amore

Ad-



Admetj, quanto nec cognati nec amici.  
Non vagus illud amor facit aut petulantia: turpis  
Sæpius est mortis quàm vitæ causa libido.  
Hic est mille modis amor ignorandus, & omni  
Vitanda est studio scelerati occasio factj:  
Aut sibi quisq; odium, generi maculas, & auitis  
Nominib; multos inimicos conciliabit:  
Conficiet corpus contagio sæua, medullis  
Tabæ liquefactis cæca, dementia mentem  
Corrumperet, furijs animus stimulabitur æger:  
Corporis atq; animæ donec diuulsio fiat  
Pessima: sic scelus est scelerata morte piandum.  
Ad pænas etiam grauiores sæpe trahuntur:  
Quotquot, posthabito socialis fœdere lecti:  
Praujs indulgent affectib; atq; pudicis  
Morib; exutj, veneri se dedere certant  
Terrestri, purumq; impurum reddere corpus.  
Lex est coniugib; data cœlitus illa: iugalis  
Vt seruare torj studeant pactumq; fidemq;  
Innupti verò quia iusta lege iubentur  
Nubere, consilio non est parere necesse  
Horum: qui suadent castam sine coniuge vitam.  
Nonne in coniugio castè quoq; viuatur? immo  
Castius & melius. non est hîc flamma medullas:  
Non desiderio facies est pallida: mentem  
Non stimulant furie: non hîc sunt saucia corda,



Omnis suspicio, metus & contentio longè  
Absunt: delectat coniunx festiua maritum.  
Et persæpe facit tristes deponere curas.  
Hic quoq; mœroris tormentis eripit illam  
Res quoties poscit: nam vel partem capit ipse  
Vt lenior fiat: vel blandis demere dictis  
Illud molitur, quod mentem cardine tollit.

Sed nec in his semper modus est, qui debuit esse  
Reb: in hac vita sunt multa incommoda vitæ.  
Non omnis mulier bonitatis laude superbit.  
Hic opus est igitur, non semper bella probare  
Lumina. (forma sua nec debet laude carere)  
Sed thalamos cordis penetrare, videre quid intus  
Sit, qualis vitæ dominus, quid facitet idem.  
Si nequit extemplo fieri, fiet tamen illud  
Perspicuum paruo interiecto tempore: tempus  
Efficit vt culpa videantur facta vacare.  
At quòd non animus subito spectetur, vt aurum  
Ignib, id culpa pariter spectantis & huius  
Artib efficitur: qui nouit fingere vultus  
Quos velit, & vultu personam quamq; referre.  
Credo equidem, neq; me fallit sententia, tales  
Artifices etiam superis imponere posse.  
Nam quid ni possent? vox est blandissima, voce  
Falluntur multj: rationem vocis habere  
Non æquè refert, ac vitæ noscere quæ sit

Inte.



*Integritas, lapsisq; audire quid egerit annis.  
Cum sic rimamur vitæ genus atq; probatos  
Conferimus mores alijs: numerus citò maior  
Perspicitur qui sit factorum, causaq; rerum  
Gestarum studio sic quærentis fit aperta.  
Omnib in duplicem tabulam numerumq; coactis,  
Vnus erit rectè factorum certior index:  
Alter non rectè monstrabit facta libellus.  
Naturæ nemo tanta bonitate iuuatur:  
Vt non offitij partem neglexerit vllam,  
Multa est in multis peccandi occasio rebus.  
Sed studio fiunt interdum, quæ studiose  
Vitarunt alij melioris munere mentis.  
Est operæ pretium sic hæc seruare: nec vnq;  
Custodem illarum fallet custodia rerum.*

*Sed fortassis erit nostro quoq; carmine dignum  
Dicere, qua semper fiat quis amabilis arte.  
Ast hîc non opus est alienis, propria virtus  
Commendare potest hominem: virtutib auctus  
Quo magis est aliquis, tantò quoq; charior esse  
Et solet & debet: virtutis maxima vis est.  
Omnes sola potest ad amandum impellere virtus:  
Visi etiam nunq; virtutem propter amantur.  
Hanc morum bonitas, hanc multorum fauor ingens,  
Adde bonæ sortis quàm plurima dona, sequuntur.  
Hæc Veneris cestum superat, quo cincta, marito*

*Sæpe*



Sæpe in congressu valde placuisse putatur.  
 Sed Venus vtatur cesto, non est opus istis  
 Reb in his Thalamis: reb meliorib ambo  
 Ornati sunt, cum sponsa sponsus. genus ipsum  
 Si specto sponsi, vetus est & nobile: quale  
 Creditur ipforum generare fuisse deorum.  
 Et credo stellis ornata insignia ferri:  
 Ne genus hoc cælo dubitet quis originem habere.  
 Cum faciem inspicio, nihil est formosius ipsa:  
 Et genere & forma superis par esse videtur.  
 Hæc autem in dubio nobis res ponitur: Vtrum  
 Inter mortales aliquis mage sit bonus, aut hac  
 Henricus solus bonitatis laude tryumphet:  
 Si Laus est facti merces, & nuncia veri,  
 Fama: bonus nemo meliori iure vocatur,  
 Quàm cui tale dedit bonitatis gloria nomen.  
 Dij bonitatis habent nomen, non nomine solum:  
 Sed meritis etiam dici bonus ille meretur:  
 Qui patulas dedit rogitantum vocib aures:  
 Nec negat auxilium portare & ferre petentj.  
 Sic genus & formam multis Virtutib ornat:  
 Vt similes optem multos, bonitate secundos  
 Nullos: nonne vxore bona dignissimus hic est?  
 Nec minor est vxor felici sydere facta.  
 Si genus est aliquid, magnusq propaginis ordo  
 Laudib est dignus: laudis fert ipsa coronam

In



6

Insignem, proavos numerans longo ordine multos  
Antiqua genitos & clara stirpe deorum.  
Quid de stirpe loquor? si stirps non cognita nobis  
Esset: at eximia quæ splendet gratia formæ  
Argueret genus hoc demissum cælitus esse.  
Aspice quantus honos oris, quæ gratia pulchris  
Interfusa genis, quàm mollis flamma venustis  
Emicet ex oculis: num talis pulchra Dione  
Cæsia vel Pallas fuit, aut Lathonia Phæbe?  
Iudicio Paridis pomum Martha ipsa reportat.  
Corporis & multas ea sortis opes habet: at si  
Quis veneranda piæ sacraria mentis haberet:  
Et thalamos cæcos diuini cordis apertos:  
Cerneret in tantis, nil non mirabile rebus.  
Cor pietas, pectus bonitas, prudentia mentem  
Occupat insignis: quis non videt illud inesse  
Virgineum decus, & quod Virgo debet habere:  
Quæ studet egregia Virtutum laude placere:  
Et primam castæ mercedem tollere vitæ.  
Sic edocta bonas est inter sponsa, Mariti  
Vt ferat imperium facilis, patiendo futuram  
Se statuit magno victricis nomine dignam:  
Dulce iugum credens quod fert cum coniuge dulci.  
Felices ambo, & felici sydere nati:  
Connubio stabili felici tempore iuncti.  
Ad thalamos vestros concurritur vndiq, magna

Dona



3719  
Dona ferunt superj, vestro studet omnis honori  
Gens: Hymenæus obit quod debet, munus: Apollo  
Lætitiâ gestu, vultuq; & voce fatetur:  
Aonidum vestra fortuna turba sororum  
Lætatur: plausus diuûm, fremitusq; virorum  
Arguit has flammâs diuinâs esse: pudicos  
Extruxisse torum mores lectumq; iugalem.

Et credo superos ideo voluisse maritum  
Henricum fieri præstanti Virginis ore:  
Vt seruaretur tam claræ stirpis origo:  
Et proles esset referens matremq; patremq;:  
Non solum vultu verum virtutis amore  
Et studio famæ bonitatis laude potentis.

Atq; utinam faciat te tali prole parentem  
Nunc Henrice tibi quæ nubit nobilis vxor:  
Qualem speramus, qualem sacer ordo sacrarum  
Musarum exoptat, qualem desiderat ipsa  
Patria, qualem etiam pietas mansura requirit.  
Non quem te cupimus meliorem: vix potes vnq;  
Qui bonus es totus meliori prole beari.  
Ergo tui similem, nec te qua parte minorem  
Optamus sobolem, citò venturosq; nepotes.  
Casta deo casto si possunt facta placere:  
Non dubitamus eum præsentem, vestraq; cæpta  
Confirmare, pios conatus sponte iuuare,  
Et, quicquid tandem videatur, ferre, necesse.

F I N I S.



3719